

Акафист схиархимандриту Виталию (Сидоренко) для келейного чтения

По благословению Преосвященнейшего Никона, епископа Липецкого и Елецкого
Задонский Рождество-Богородицкий мужской монастырь 2008

Кондак 1

Избранный от чрева матере угодниче Христов, преподобне отче Виталие, всем житием твоим Евангелие Христово исполнивый, крест страданий, унижений и гонений кротко претерпел еси, к сему же и подвиги многотрудныя приложил еси, темже сосуд достойный благодати и любви Божественныя соделался еси, и в Небесных Обителях ныне пребываеши, восприяв дерзновение молиться о нас. Мы же чтуще святую память твою, со умилением вопием ти: Радуйся, Виталие, скорый помощниче и молитвенниче о душах наших.

Икос 1

Ангеле земный и человеке Небесный был еси, преподобне отче наш, путем сурового подвига в годы богоборчества, первым векам христианства подобнаго, неложно шествовавый, гонения жестокая от власти безбожныя и диавола претерпевый, николиже от любви Божия и веры отступился еси, пастырем добрым для овец разсѣянных явился еси, образ старчества благодатнаго являя, притекающих к тебе в вере, надежде, любви и терпении укрепляя. Тем же приими от нас пение похвальное:

Радуйся, духом вину пламенный,
Радуйся, Богу всем сердцем послуживый.
Радуйся, николиже злом побежден бывый,
Радуйся, зло добром препобедивый.
Радуйся, души ближних любовью преображавый,
Радуйся, в ризах ветхих красотою ангельскою сиявый.
Радуйся, волю Божию благоу и совершенную познавый,
Радуйся, ближних паче себе возлюбивый,
Радуйся, душу твою за них полагавый.
Радуйся, вся немощи ближних любовью покрывавый,
Радуйся, мир и радость о Дусе Святе стяжавый,
Радуйся, светом благодати всех озарявый.
Радуйся, Виталие, скорый помощниче и молитвенниче о душах наших.

Кондак 2

Видяще божественное предызбрание твое, отче Виталие, просвещаемся вси: сие бо открыся во дни младенчества твоего, егда по крещении твоим иерей Божий, во олтарь ты внося, велию благодать от ты исходившую позна и на месте горнем у Престола Божия ты положи. Сей и матери твоей прорече ты человека великаго пред Господем и людьми быти. Мы же промыслению Божию на тебе явленному дивящися вопием: Аллилуиа!

Икос 2

Разумевше тя, отче Виталие, в святости рожденного и Господем особь отмеченного, возмаша на тя еще суща младенца души злобы поднебесныя, чрез сродников твоих на тя ополчаяся, иже тя не взлюбиша зело и погубити хотѣша. Ты же аще и млад бысть мнози скорби и болезни тебе чинимыя с кротостию ангельскою претерпевал еси, пущую злобу лукавых духов возбуждая. Мы же тя измлада смирению монахов навывавша ведуще, воспеваем ти похвальная:

Рáдуйся, Сло́вом Бóжиим озарѣнный,
Рáдуйся, Евáнгелие паче всех книг возлюбѣвый.
Рáдуйся, от младѣх ногтей Бóгом избранный,
Рáдуйся, подви́жничество высокое явѣвый.
Рáдуйся, моли́твеннаго уединения вѣну иска́вый,
Рáдуйся, любовь вѣлию к слѹжбам церковным имѣвый.
Рáдуйся, едва пѣние от храма слы́шав, в онѣ бежа́вый,
Рáдуйся, за рѣвность к Дому Бóжию биение приемый.
Рáдуйся, воздержáние крайнее в младѣх летáх явѣвый,
Рáдуйся, всяческаго зла издетска отвращáвыйся,
Рáдуйся, сего ради скорби многия претерпевый,
Рáдуйся, в годы богоборчества дерзновенно Христа исповеда́вый.
Рáдуйся, Витáлие, скорый помóщниче и моли́твенниче о душáх нáших.

Кондак 3

Сила благодати Господней осени тя, угодниче Божий, посему воином единого Небесного Царя возжадал еси быти, и едино гражданство небесное имети, и гражданства земного не восхотел еси, подвиг многотрудный странничества на ся прияв, миру безумен и юродив показався. Темже дарами Духа Святого преизобильно исполнился еси, непрестанно Богу взывая: Аллилуия!

Икос 3

Имеюща ревность к восприятию образа ангельского по многоскорбных летех странствия твоего, направи тя Господь в пустынь Глинскую, высотой жизни духовныя своих насельников славившуюся. Идеже ты в послушании всецелом у духоносных старцев пребывая, подвигом добрым в совершенном своея воли отсечении подвизался еси, истинную школу делания монашеского проходя, высоты безстрастия достигл еси, всякое искушение иноческаго жития молитвою и смирением препобеждая. Темже радостное пение приими от нас:

Рáдуйся, не имевый, где главы подклонити,
Рáдуйся, странником и пришельцем на земли бѣвый.
Рáдуйся, путь послушания со всяким смирением проходѣвый,
Рáдуйся, празднословия премудренно избега́вый.
Рáдуйся, вся имения своя раздава́вый,
Рáдуйся, на небеси сокровища собира́вый.
Рáдуйся, умиротворения ради вину ближних на ся бра́вый,
Рáдуйся, всем слуга бѣвый, сам никого же утружда́вый.

Ра́дуйся, всякое дело с молитвою соверша́вый,
Ра́дуйся, дар непрестанной молитвы стяжа́вый,
Ра́дуйся, во время творения оной, ничесоже замечая, ко льду примерза́вый.
Ра́дуйся, егоже Матерь Божия чадом Своим именовала есть,
Ра́дуйся, егоже незримо Она омофором Своим покрывала есть.
Ра́дуйся, Виталие, скорый помощниче и молитвенниче о душа́х на́ших.

Кондак 4

Буря зельная возмущаше Церковь Божию, егда владыки безбожныя познаша, яко людие христолюбивии, аки овцы пастыря обретшия, потекоша во святыя обители воссозидаемыя, да получа́т утешение в молитве и сове́тах старец духовных. Посему и повелеша тии владыки Пустынь Глинскую и инии оплоты веры во отечествии нашем паки упразднити. Ты же, отче праведный, монастырь твой в сердце твоём сокрывавый и от юности вожделевый ходити пред Богом в молитве по святым местóм, паки на подвиг странничества свыше благословение прияв, возопил еси Богу: Аллилуиа!

Икос 4

Слышавый, отче Виталие, Слово Господне, яко не может град укрытися верху горы стоя, темже и ты, аки свеща восковая, чистой молитвой благоуханной к Богу пламенеющий, не сокрыл еси светильника твоего под спудом, ближним путь к свету евангельских заповедей указуя. Тем же зряще житие твое, яко пастырю доброму души своя ввериша, да от проказы греховныя изцели́ши их и водою живою Слова Божия напои́ши. Мы же труды и подвиги твоя во славу Божию подъятыя прославляя, воспеваем ти похвальная:

Ра́дуйся, кроток, терпелив и незлобив, аки агнец бы́вый,
Ра́дуйся, тем врагов твоих без брани победи́вый.
Ра́дуйся, любовь совершенную ко врагом имéвый,
Ра́дуйся, сим смирением победу над духами тьмы одержа́вый.
Ра́дуйся, поругания с радостию приима́вый,
Ра́дуйся, случая к соблазну брату не пода́вый.
Ра́дуйся, во всем себе обвиня́вый,
Ра́дуйся, всех людей Ангелами почита́вый.
Ра́дуйся, в тягчайших обстояниях аки в раю себе представля́вый,
Ра́дуйся, ничесоже токмо со Христом страдати возжела́вый.
Ра́дуйся, узы темничныя, Иисуса в сердце нося, блаженнством почита́вый,
Ра́дуйся, исполненную чашу страданий гонимаго странника испива́вый.
Ра́дуйся, Виталие, скорый помощниче и молитвенниче о душа́х на́ших.

Кондак 5

Боготечная звезда явился еси, озаря горы Кавказстии, словом проповедания и мученичеством святого Симона Кананита, ученика Христова, некогда просвещенныя, ныне же, подобно пустыне Египетстей, приявшия жаждущих молитвеннаго уединения и Богомыслия. Зде бо величие Божие возвещает великолепый образ красот богозданныя твари: горы и доли, снега и

быстротечныя реки, вертепы и пропасти земныя. Темже и ты, преподобне Виталие, в сей предивной стране, величая величал еси Творца всяческих, нимало тяготяся многими болезнями и трудами пустынного жития, выну воспевая: Аллилуиа!

Икос 5

Видеша сподвижники твоя, преподобне Виталие, благодать Духа Божия, преизліха в тебе обитающую, и не могуще понести глубину совершенного смирения твоего и высоту Христоподобную меры твоего духовного возраста, завистию от диавола распаляемы, едва не убиша тя, тайною гордостью и окаменением сердец одержимы.

Всецелая же преданность твоя ко Творцу и ангельская кротость твоя источающе благоухание духовное, привлекаху к тебе, человеце Божий, простодушныя люди, иже, аки пчелы на цветник, устремляхуся к тебе, ни во чтоже вменяя неудобь проходимыя дебри гор пустынных. С ними же и мы вопием тебе тако:

Ра́дуйся, простосердечие детское имéвый,
Ра́дуйся, незлобие младенческое до смерти сохрани́вый.
Ра́дуйся, плоть твою во всем утесня́вый, да дух на свободу изведéши,
Ра́дуйся, в ризы ветхия плоть одея́вый, да в нетленные дух свой облече́ши.
Ра́дуйся, яко на клевету благословением отвеца́вый,
Ра́дуйся, всякаго неблагополучия достойным себе почита́вый.
Ра́дуйся, благодатныя да́ры ради немощи братий юродством сокрыва́вый,
Ра́дуйся, ближним и дальним аки Самому Христу себе порабоца́вый,
Ра́дуйся, от них же всяческия поношения с радостию претерпева́ый.
Ра́дуйся, сластолюбия и чревоугодния смиренный обличі́телю,
Ра́дуйся, нестяжания и безпристрастия великий учі́телю.
Ра́дуйся, ради всех человек николижи себе пощади́вый,
Ра́дуйся, Апостолу Павлу подобяся, всем для всех бы́вый.
Ра́дуйся, Виталие, скорый помощниче и молитвенниче о душа́х на́ших.

Кондак 6

Проповедниче истиннаго послушания печаловал еси зело, отче преподобне, яко никтоже в век сей развращенный стяжати добродетель сию подвизается, указуя, яко единаго Адама преслушанием тлению весь род человеческий подпал есть, послушанием же Сына Человеческаго Небесному Отцу паки в первожданное достоинство возвратися, да от смерти к животу преходяще, вернии вси воспоют Богу: Аллилуиа!

Икос 6

Возсиявый во дни власти темныя, преподобне Виталие, послушанием святей Церкви Апостольстей от силы в силу возраста, еще до пострижения иноческаго устроением твоим духовным и монахов многих превзошел еси. И из града во град гонимый, в мире сем надмирно пожил еси, духом в горняя выну воспаряя. Сего ради приими пение похвальное:

Ра́дуйся, образу истиннаго мона́шества,
Ра́дуйся, высоте нелицемернаго послуша́ния.
Ра́дуйся, плоть твою в жертву живую, благоугодную Богу представивый,
Ра́дуйся, веку семи вопреки, никогдаже лукавивый.
Ра́дуйся, старче, в любви непритворной себе распина́вый,
Ра́дуйся, ближним на встречу по детски бежа́вый,
Ра́дуйся, Богу и ближним служивый усер́дно,
Ра́дуйся, сердце свое всем даря милосе́рдно.
Ра́дуйся, якоже преподобный Силуан, за весь мир моли́выйся,
Ра́дуйся, ближних спасения ради до крове труди́выйся.
Ра́дуйся, Богу себе до конца посвяща́ющий,
Ра́дуйся, ризой веселия лютыя боли своя сокрыва́ющий.
Ра́дуйся, Виталие, скорый помощниче и молитвенниче о душа́х на́ших.

Кондак 7

Хотяще плоть твою всеконечно́ дүхови порабо́тити, веризи тяжции возложил еси тайно на тело твое многострадальное, их же вросшие в тя, сложити с себе соизволил еси, токмо страха ради отлучения от Святаго Причастия. Вместо них же восприял еси многотрудный крест служения пастырскаго, дабы сострадати чадом Церкви Божия, бремена их нося и научая любовью вся претерпевати, благодаряще Бога: Аллилуиа!

Икос 7

Новаго тя дивнаго старца, преподобным Серафиму и Амвросию подобнаго, разумеем тя, отче Виталие, ибо ото всех концов земли Русския, безбожием истерзанная, стекахуся к тебе людие гладом духовным томимыя, исповедающе грехи своя, очищения сердцам своим, утешения в скорбех и вразумления от тебе чающе. Все же дары, тебе приносимыя, абие имущим потребу в них расточал еси, научая верныя чада твоя безкорыстною и нестяжанию, темже вопием ти:

Ра́дуйся, духом всю землю обозрева́ый,
Ра́дуйся, чадом твоим поможение и за много верст подава́ый.
Ра́дуйся, призвание многих к иноческому житию прозрева́ый,
Ра́дуйся, многих чад твоих в чин ангельский посвяща́ый.
Ра́дуйся, чаще причащатися Животворящих Тайн наставля́ый,
Ра́дуйся, в Нихже силы телесныя и духовныя черпа́ый.
Ра́дуйся, митрополита Зиновия сота́инник и сын духовный бы́ый,
Ра́дуйся, егоже тайно в схиму облачи́ый.
Ра́дуйся, дивному старцу семи имя Саровскаго старца наре́кший,
Ра́дуйся, сыновне молясь за него некую часть лютой болезни его понёсший.
Ра́дуйся, старче, емуже старец-учитель чад своих при кончине вверя́ый,
Ра́дуйся, ни единого от них для Царствия Небеснаго не потеря́ый.
Ра́дуйся, Виталие, скорый помощниче и молитвенниче о душа́х на́ших.

Кондак 8

Странное и неудобьразумеваемое чудо сотвори любовь твоя к Иверскому уделу Матери Божией, от огненного столпа молитвы — духоносного старца Зиновия унаследованная. Ты бо возскорбел еси зело, егда по грехом нашим попусти Господь в древней стране той брань кровавую междоусобную, и полагал еси душу твою в непрестанной молитве о спасении сей земли и народов ея. И на всяк час иконою Матери Божией Феодоровскою осенял еси вся страны окрест стольного града Иверии. И, о чудо преславно, смертоносныя снаряды, иконою осеняемая, от града отвращахуся, ни единого вреда людям причиняя, тии же воспеваху Богу: Аллилуиа!

Икос 8

Подвигу преподобного Серафима Саровского ревнующе, на камне молился еси, отче Виталие, да сохранит Господь страну Иверскую и паству Христову от брани междоусобныя, Святейшему же патриарху Илии молил Господа дух премудрости даровати, да безумное братоубийство укротит. Того ради пребывал еси в подвизе молчания и сугубаго поста, точию хлеб и воду вкушая, да и сих надолзе себе лишая. Мы же познающе, яко мир и благостояние вселенныя молитвами праведник утверждается, воспеваем ти похвальная:

Ра́дуйся, с плачущими плакавый,
Ра́дуйся, с радующимися радовавыйся.
Ра́дуйся, душу твою на всяк день за ближних полага́вый,
Ра́дуйся, в молитве за людей кровь пролива́вый.
Ра́дуйся, молитвою твоею и от смерти спаса́вый,
Ра́дуйся, к покаянию всех призыва́вый.
Ра́дуйся, Богу о помиловании Иверии немолчно взыва́вый,
Ра́дуйся, Заступницу Усердную за ню умоля́вый.
Ра́дуйся, бедствия сия издалеча прорека́вый,
Ра́дуйся, о жестосердии народов слезно воздыха́вый,
Ра́дуйся, свещи о страдальцах Вьетнама келейно возжига́вый,
Ра́дуйся, будущия испытания России предзрэ́вый,
Ра́дуйся, огнем молитвы твоея оледеневшия души согре́вый.
Ра́дуйся, Виталие, скорый помощниче и молитвенниче о душа́х на́ших.

Кондак 9

Всяко недоумеваше страж церковный, како нощию во храм толикое множество богомолец дверем затворенным внидоша. Сие же видение бысть, да познаем коликую имут нужду души живых и усопших в принесении за них жертвы безкровныя и сугубой молитвы праведнаго. В ту бо ночь, преподобне отче Виталие, пребывал еси в храме неисходно, проскомиса́я и изымая частицы просфорныя за вся людие, ихже души таинственно в церкви купно явившеся пояху Богу: Аллилуиа!

Икос 9

Ветия велеречивыя изрещи недоумеют, како ты, отче Виталие, болезными тягчайшими обремененный, в подвизех христианских подобно отцем древним усердствовал еси: наипаче о молитвенном подвизе ревнуя, по вся дни тысящи людей поминал еси. Ненавистник же всякого добра паче прежних на тя клеветы и поругания воздвигнух. Ты же Спасителю нашему, до смерти крестныя Себе смирившему, подражая, за обидящих тя молился еси, прося тем оставления грехов. Сего ради приими пение похвальное:

Ра́дуйся, обидящим благотвори́вый,
Ра́дуйся, гонителей благословля́вый.
Ра́дуйся, любовью пороки и немощи ближних покрыва́вый,
Ра́дуйся, вражду на дружбу кротостию прелага́вый.
Ра́дуйся, Христу в любви и смирении подража́вый.
Ра́дуйся, сострелявшему тя леснику вседушевно прости́вый,
Ра́дуйся, сласти тому подарив, его другом своим сотвори́вый.
Ра́дуйся, людям служа, николиже себе пощади́вый,
Ра́дуйся, Бог бо тебе пощади, от болезни грудной исцели́вый.
Ра́дуйся, язвы Христовы смиренно на теле нося́щий,
Ра́дуйся, Словом Писания в письмах людей утешати спеша́щий.
Ра́дуйся, Виталие, скорый помощниче и молитвенниче о душа́х на́ших.

Кондак 10

Спасения чад своих ради душу свою за них полагал еси, преподобне, в землях Тамбовстей, Липецтей, Воронежстей и Курстей навещал еси их, соблюдая от коварствия духо́в лукавых, наипаче возлюбил еси малую весь Липецтей земли Бурдино нарицаемую, идеже разоренную обитель Царицы Небесныя чудесно возродил еси, возжег zde негасимую свещу любви твоея, на свет же ея мнози сестры-голубицы слетешася ихже Христу уневестил еси, вопиющих Богу: Аллилуиа!

Икос 10

Стену богозданную окрест обители Покрова Пресвятыя Богородицы веси Бурдино нарицаемая утвердил еси, молитвою твоею чудодейственно плінфу и ка́мение умноживый, дивнаго старца Зиновия утешивый духом любви сестричества тобою собра́ннаго. Не на мудрость человеческую уповал еси, преподобне, но силою Божиею паки и паки утверждал еси в православии приходивших к тебе. Такожде и нас, треволнении житейскими обуреваемых, огради оплотом молитвы твоея, источи нам от Пресвятыя Троицы свыше сходящее благоухание жизни вечныя, да приют тихия радости в сердцах наших обретши, вопием ти таковая:

Ра́дуйся, любви Божией селёние,
Ра́дуйся, чистотою Ангелом уподоблёние.
Ра́дуйся, на небо при жизни восхищённый,
Ра́дуйся, видёния Царицы Небёсныя сподо́бивыйся,

Ра́дуйся, слез ради чад твоих, от Нея на зéмлю возвращénный.

Ра́дуйся, в болезни Феóдором Стратилатом и мýченицей Ириной посещénный,

Ра́дуйся, сими от смерти спасénный.

Ра́дуйся, милосердия ради твоего от Бо́га помíлованный,

Ра́дуйся, единое попечéние о спасéнии душ тебе ввэ́ренных имéвый.

Ра́дуйся, па́дших из пучины грехá подыма́вый,

Ра́дуйся, молитвою твоёю от мно́гаго зла спаса́вый.

Ра́дуйся, в явлении си́лы и духа назидáвый.

Ра́дуйся, Вита́лие, скорый помо́щниче и моли́твенниче о душа́х на́ших.

Кондак 11

Пение ангелоподобное Пресвятей Троице приносил еси, преподобне, жития бо равноа́нгельнаго взыска́л еси, вкúпе со Апостолом ре́кл еси́: «подража́йте убо мне, яко же аз Христу». Прича́стником же любви Бо́жией быв, возымел еси́ дерзнове́ние моли́твою твоёю десни́цу Всеви́шняго, для поражения грéшников вознесенную удержи́вати, на милость Его преклоняя, волю бо боящихся Его обеща́ся сотворити Господь. Сего ради умолял еси Его по вся дни и нощи, во обстоянии сущих помиловать, безчисленные за тех поклоны полагая, свещи́ во образ молитвы пламенные возжигая, поя Подателю благих: Аллилуиа!

Икос 11

Светозарную лучу в годину духовнаго мрака видим любовь твою отче, та бо начало от Источника Неисчерпаемаго прияв не токмо на человек простирающеся, но и все творение Божие объимаше, в нем же ты замысел Творца премудрый выну зря, благоговейно десницу Его лобызал еси, таковую красоту из небытия, человека ради, к бытию воззавшаго. Посему сокрушался еси зело, егда кто даров Божиих не ценит, создание Божие попирает, пищу и питье небрежением погубляет, научая и малому в деле спасения опасно внимати, бережливости научая. Темже слышиши ныне от нас, недостойных, таковыя хвалы:

Ра́дуйся, в каждой былинке премудро́сть Божию постига́вый,

Ра́дуйся, всякий дар Божий со тща́нием беречь учи́вый.

Ра́дуйся, дар рассуждения от Бога восприя́вый,

Ра́дуйся, закваску фарисейскую смиренно обличи́вый.

Ра́дуйся, память смертную выну имéвый.

Ра́дуйся, Господа душею и телом прославля́вый,

Ра́дуйся, токмо Ему угодити раде́вый.

Ра́дуйся, сердце сокрушенное Ему в жертву посвяща́вый,

Ра́дуйся, во всяком познании Ду́хом Святы́м наставля́емый.

Ра́дуйся, дру́ги твоя крóтко ко спасению назидáвый,

Ра́дуйся, образ любви а́нгельстей в послéдния времена явлéнный,

Ра́дуйся, дивный светильниче Церкви Ру́сстей возсия́вый.

Ра́дуйся, Вита́лие, скорый помо́щниче и моли́твенниче о душа́х на́ших.

Кондак 12

Благодать Божия и по успении твоём яви тя, преподобне, особаго избранника Божия, уподобился бо еси благоверному князю Александру, в егоже храме любовию зельною двадесять лет память его совершал еси, Богу усердно служа. Ибо, егда сотвориша над телом твоим Святейший патриарх Илия со пресвитеры моления исходныя, приял еси сам рукою твоею молитву прощальную, показуя тем, яко праведник во веки жив есть. Людие же Божии, разумев чудо таковое воспеша Богу: Аллилуиа!

Икос 12

Поюще Христоподобную любовь твою, преподобне, разумеем яко тою и по преставлѣнии твоём нас не оставяши, сам бо обеща́лся еси́ за чтущих тя пред Богом выну предстателем быти завеща́вая аки к живому к тебе верою несумненною прибегати. Темже чудеса дивныя присно являеши, утешение скорбящим подавая и оживляя веру их. Сего ради приими радостное пение от нас:

Ра́дуйся, Господеви живый, Господеви же умира́вый,
Ра́дуйся, всякое слово и знание в Бозе черпа́вый.
Ра́дуйся, имя Христово в сердца́х твоём выну пе́вый,
Ра́дуйся, ни в коемже дарѣ на пользу спасения ближних недостатка имѣ́вый.

Ра́дуйся, любовию божественною преображе́нный,
Ра́дуйся, челове́че святы́й, обоже́нный.
Ра́дуйся, всех добродетелей Евангельских исполне́нный,
Ра́дуйся, собор святы́х в Небесном Царствии восполни́вый.
Ра́дуйся, ты бо еси в земнем житии нищету возлюбѣ́вый,
Ра́дуйся, ризы ветхия на одежды праведников сияющие сменѣ́вый.
Ра́дуйся, ты бо Предтече Христову со старцем Саровским на небе сослужи́ши,
Ра́дуйся, ты бо еси и со всеми святыми о Господе дру́жиши.
Ра́дуйся, Виталие, скорый помощниче и молитвенниче о душа́х на́ших.

Кондак 13

О, предивный угодниче Божий, богомудре отче Виталие, приими сие малое моление наше, со умилением сердечным приносимое тебе, умоли Вседержителя Господа да исцелит язвы греховныя душ наших и сподобит нас Любви Воплощенной на Кресте распятой, вседушевно взыскати, и всецело и выну себе сей Любви посвящати, в безконечныя веки с тобою Творца воспевати: Аллилуиа, Аллилуиа, Аллилуиа!

Этот кондак читается трижды, затем икос 1 и кондак 1.

Молитва

О преславный угодниче Господень, преподобне отче Виталие! Крест Христов возлюбил ты измлада еси, на Голгофу свою восходя, ни во что укорижны несмысленных сердцем вменяя. Сего ради еще на земли воскресения Славы и Царствия Божия причастился еси, и ныне, вкупе со всеми святыми, у престола Пресвятыя Троицы о всех и за вся дерзновение молитися имееши. Мы же, проказой греха пораженныя зело, с мольбою слезною прибегаем ко твоему заступлению. Ибо ихже не желаем злыя творим, а ихже желаем добрыя — силы в себе творити не обретаем. Умоли убо, Всемиловитоваго Владыку, да подаст нам крепость злыя страсти, поработившыя нас в себе искоренити, греху противустати, и да отженет от нас всякаго врага и супостата. Ибо не хочет Господь смерти грешника, но хочет всем спастися и в разум истины приити и грядущаго к Нему не изженет вон. Не престай молитися о нас, избранниче Божий, да не отвратит Он пресветлаго лика Своего от созданий Своих, но имиже веси судьбами да спасет нас. Аминь.